



პერსონალური გაყიდვა – ბანკის მომხმარებელთან ურთიერთობის თანამედროვე ფორმა

რეზიუმე

სანდრო ყანდაშვილი
სტუ-ს დოქტორანტი
E-mail: bemo_1954@mail.ru

პერსონალური გაყიდვა წარმოადგენს ბანკის კომუნიკაციური პოლიტიკის გატარების ერთ-ერთ მნიშვნელოვან ფორმას. იგი ითვალისწინებს ბანკის მიერ მომხმარებელთან ურთიერთობაში ინდივიდუალური არხების გამოყენებას. გაყიდვის პერსონალი ბანკსა და მყიდველს შორის მნიშვნელოვან რგოლს წარმოადგენს. ისინი მყიდველს წარუდგენენ ბანკს: ავრცელებენ ინფორმაციას პროდუქტისა და მომსახურების შესახებ, პოულობენ ახალ მყიდველებს, უკავშირდებიან მათ, აცნობენ პროდუქციას, პასუხს სცემენ შეკითხვებზე, ასრულებენ გაყიდვას.

მარკეტინგის კომპლექსი წარმოადგენს ძირითად მარკეტინგულ ინსტრუმენტარებს, რომლის საშუალებითაც ბანკი აკმაყოფილებს თავისი კლიენტების მოთხოვნილებებს და აღწევს დასახულ მიზნებს. ის მოიცავს გარკვეულ პრაქტიკულ ღონისძიებებს, რომლის მეშვეობითაც ბანკი აყალიბებს თავის საბაზრო შეთავაზებებს, აძლიერებს საბაზრო პოზიციას და ბაზრის მუდმივ ცვლილებებზე სწრაფად ადაპტირდება. მარკეტინგის კომპლექსის შემუშავება და მუდმივი მოდიფიცირება წარმოადგენს მაღალ კონკურენტულ საბანკო ბაზარზე ბანკის წარმატების განუყოფელ პირობას. კომპლექსი შეიძლება შეიქმნას როგორც ცალკეული პროდუქტისათვის, ისე საბანკო ბაზრის ცალკეული სეგმენტისათვის.

ნებისმიერ ფინანსურ დაწესებულებას, იქნება ეს კომერციული ბანკი, მიკროსაფინანსო ორგანიზაცია, თუ სხვა, ფუნქციონირება უწევს სხვა ფინანსურ ინსტიტუტებთან მაღალი კონკურენციის პირობებში. ამიტომ ნებისმიერმა მათგანმა თავისი საქმიანობა ისე უნდა წარმართოს, რომ მიიზიდოს ახალი კლიენტები მათთვის ახალი სამომხმარებლო ფასეულობების შეთავაზებით, და ამავდროულად შეინარჩუნოს უკვე არსებული კლიენტებიც და დააკმაყოფილოს მათი მუდმივად ცვლადი მოთხოვნები.

კომერციულმა ბანკებმა უნდა შექმნან და

თავიანთ მომხმარებლებს მიაწოდონ ისეთი პროდუქცია და მომსახურება, რომლებიც მათ მოუპოვებს კონკურენტულ უპირატესობას ბაზარზე და ამავე დროს მათი მომსახურება ხელსაყრელი და მისაღები იქნება მომხმარებლისთვისაც. ამისათვის ნებისმიერმა ბანკმა თავის მიზნის მიღწევისათვის კლიენტებთან ხელსაყრელი ურთიერთობა უნდა შეიქმნას, ანუ უნდა ჩამოაყალიბოს ისეთი ურთიერთობა, რომელიც დაფუძნებულია მყიდველის ფასეულობებზე და კმაყოფილებაზე. მარკეტინგ სწორედ ის ბიზნეს-ფუნქციაა, რომელსაც სხვებთან შედარებით მეტი ურთიერთობა აქვს კლიენტებთან.

საბანკო სფეროში ტექნიკური პროგრესის დაჩქარებული ტემპით განვითარების მიუხედავად, ბანკის მუშაკი – ანუ საბანკო მომსახურების გამყიდველი რჩება ძირითად ფიგურად, რომელზეც ბევრად არის დამოკიდებული საბანკო მარკეტინგის მრავალმხრივი და მიზანმიმართული საქმიანობის წარმატებით დაგვირგნება, სწორედ ამ გარემოებით არის შესაძლებელი იმის ახსნა, რომ საბანკო პრეცესის დაჩქარებას, კომუნიკაციისა და სხვადასხვა მასტიმულირებელ ღონისძიებებთან ერთად, მნიშვნელოვნად განაპირობებს მომსახურების პერსონალური გაყიდვა.

პერსონალური გაყიდვა წარმოადგენს ბანკის კომუნიკაციური პოლიტიკის გატარების ერთ-ერთ მნიშვნელოვან ფორმას, რომელიც ითვალისწინებს ბანკის მიერ მომხმარებელთან ურთიერთობაში ინდივიდუალური არხების გამოყენებას. იგი გულისხმობს გაყიდვების აგენტების მიერ პოტენციური მომხმარებლისადმი მომსახურების ზეპირსიტყვიერ წარდგენას პირისპირ შეხვედრის, სატელეფონო კავშირების, ვიდეო ან ინტერნეტ კონფერენციებისა თუ სხვა საშუალებების გამოყენებით. მაშასადამე იგი არის კომუნიკაციის თავისებური არხი, რომლის საშუალებითაც ბაზრის ძირითადი სუბიექტები, მყიდველი და გამყიდველი, ერთმანეთთან ამყარებენ უშუალო საქმიან ურთიერთობასა და უკუკავშირებს. ორგანიზაციული თვალთახედვით, საბანკო მომ-



სახურების პერსონალური გაყიდვა მოიცავს ოპერაციათა ერთობლიობას, რომელსაც ას-
ლულებს ბანკის მუშაკი ან შტატგარეშე თანამ-
შრომელი (გაყიდვების აგენტი) მომხმარებელზე
მომსახურების მიყიდვისა და მასთან დაკავ-
შირებული მომსახურების დროს. [1]

გაყიდვების პერსონალი ბანკსა და მიდ-
ველს შორის მნიშვნელოვან როლს წარმოად-
გენს. ისინი მიიღველს წარუდგენენ ბანკს: აერცუ-
ლებენ ინფორმაციას პროდუქტისა და მომსახ-
ურების შესახებ, პოულობენ ახალ მიიღველებს,
უკავშირდებიან მათ, აცნობენ პროდუქციას, პა-
სუხს სცემენ შეკითხვებზე, ასრულებენ გაყიდ-
ვას. მათ მიერ მოპოვებული ინფორმაცია ეხ-
მარება მარკეტინგისა და პროდუქტის მენეჯე-
რებს განახორციელონ მარკეტინგული კვლევა
და დაზვერვა, შეიმუშაონ ახალი, ან გააუმჯობე-
სონ გაყიდვების ძველი სტრატეგიები.

პერსონალური გაყიდვები, განსხვავებით
რეკლამირებისგან ან გაყიდვების პრომოუშენის-
გან, გულისხმობს პირდაპირ ურთიერთობებს
გამყიდველსა და კლიენტს, მომხმარებელს
შორის. ზოგადად, პერსონალური გაყიდვები
შეიძლება განისაზღვროს, როგორც ორმაგი
კომუნიკაცია პოტენციურ მიიღველსა და გამყ-
იდველს შორის, რომლის დროსაც უნდა შეს-
რულდეს სულ მცირე სამი ამოცანა: (1) პოტენ-
ციური მიიღველის მოთხოვნების იდენტიფიცირ-
ება; (2) ამ მოთხოვნების შესაბამისობა ფირმის
პროდუქტებთან ან მომსახურებასთან; (3) ამ
შესაბამისობის საფუძველზე, მიიღველის დარწ-
მუნება რომ შეისყიდოს პროდუქტი. საბოლოო
ჯამში, ეს არის კომპლექსური საკომუნიკაციო
პროცესი, რომელიც მარკეტოლოგებს ბოლომ-
დე ახსნილი ჯერ კიდევ არ აქვთ.

პერსონალური გაყიდვების მნიშვნელობა
ნაწილობრივ დამოკიდებულია პროდუქტის
ტიპზე. ზოგადად, ახალი ან განსხვავებული,

ტექნიკურად რთული ან ძვირი პროდუქტი
საჭიროებს პერსონალური გაყიდვების უფრო
დიდ მცდელობას. გამყიდველი ამ პროცესში
მნიშვნელოვან როლს ასრულებს. მაგალითად,
საკმაოდ რთული და ტექნიკური პროდუქტია
დაზღვევა, რომელიც ხშირად საჭიროებს სერი-
ოზულ პერსონალურ გაყიდვებს.

მნიშვნელოვანია გვახსოვდეს, რომ ბევრი
კომპანიისათვის გამყიდველი, ეს არის ძალი
გაბმული მომხმარებელსა და კონკრეტულ ფირ-
მას შორის. ფაქტიურად, ამ შემთხვევაში პროდუ-
ქტის გამყიდველი წარმოადგენს კომპანიას.
ამიტომაც ძალზედ მნიშვნელოვანია კომპანიამ
შესაბამისად გამოიყენოს ეს უნიკალური კავ-
შირი მომხმარებელთან. წარმატებული გაყიდ-
ვების პერსონალის საშუალებით, კომპანიას
საშუალება აქვს დაამყაროს გრძელვადიანი
ურთიერთობა მომხმარებლებთან.

პერსონალური გაყიდვები მარკეტინგის
სისტემის შემადგენელი ნაწილია, რომელიც ორ
მნიშვნელოვან ფუნქციას ასრულებს: ერთს
კლიენტებისთვის და მეორეს კომპანიებისთვის.
შესაბამისი მნიშვნელოვანი ინფორმაციის დეფ-
იციტმა შესაძლოა გამოიწვიოს ნაკლები ხარისხ-
ის ან მოცულობის გაყიდვები. მაგალითად:
ექიმებს გაუჭირდებოდათ ახალ წამლებში და
პროცედურებში გარკვევა, რომ არა ფარ-
მაცევტულ სექტორში მომუშავე გაყიდვების თან-
ამშრომლები. მარკეტინგული წარმატება დამოკ-
იდებულია მომხმარებლების მოთხოვნების დაკ-
მაყოფილებაზე. თუ არსებული პროდუქტი არ
აკმაყოფილებს მომხმარებლის მოთხოვნებს,
მაშინ უნდა განხორციელდეს სპეციალური
პროცედურები, რათა მოხდეს ამ პროდუქტების
განახლება ან გაუმჯობესება. თუ კონკრეტულ
კომპანიაში არსებობს გარკვეული პრობლემე-
ბი ამ კუთხით, მაშინ მენეჯმენტმა უნდა მოახ-
დინოს სწრაფი რეაგირება.



ბაზოვერეზული ლიტერატურა

1. ამსტრონგი გარი, კოტლერი ფილიპ. „მარკეტინგის საფუძვლები“. მეშვიდე გამოცემა. თბილისი 2007
2. კოჭლამაზაშვილი ღ. ჯანდაშვილი თ. „გაყიდვების მენეჯმენტი“. სალექციო კურსი, № 360, გვ. 254, 2011
3. კოჭლამაზაშვილი ღ., ხახუტაშვილი ე., ქობლანიძე თ. „რეკლამა და სტიმულირება“. დამხმარე სახელმძღვანელო. გამომცემლობა „გრაალი“. 2013.
4. *А.В. Тютюнник. Как заставить банковские отделения эффективнее продавать продукты. Аналитический журнал «Управление в кредитной организации» №5/2008*
5. *www. Элементы комплекса маркетинга в коммерческом банке - Банковское дело.*
6. *www. УПРАВЛЕНИЕ ПРОДАЖАМИ 06(73)2013*
7. *www. ipm.ge/index*
8. *file:///C:/Users/admin/Desktop/Личные продажи.html*
9. *www.nbg.ge* (საქართველოს ეროვნული ბანკი)
10. *www.abg.org.ge* (საქართველოს ბანკების ასოციაცია)
11. *www.banksandpinance.ge* (გაზეთი „ბანკები და ფინანსები“)
12. *www.gbc.ge*

PERSONAL SALES – BANK’S MODERN FORM OF RELATIONSHIP WITH CLIENTS

SANDRO KANDASHVILI
Doctoral Student of GTU
E-mail: bemo_1954@mail.ru

SUMMARY

Personal sales is one of the most vital forms of bank’s communicative policy. It considers the use of individual channels in the relationship between the customer and the bank. Sales personnel represent an important link between the bank and the buyer. They are sending the buyer to the bank, disseminating information about the product and service, Find new buyers, connect with them, share products, answer questions and close the deals.